



30. juli 2009

Inatsisartut suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut apeqqut: Naalakkersuisut ilumut isumaqarpat qinikkat aammalu Naalakkersuisut ikiaroorartumik atuisuuppata Inatsisartut Naalakkersuisullu susassarinnikkaat? Aamma Naalakkersuisut isumaqarpat Kalaallit demokratimik tunngaveqarlutik inui-aqatigiittut atugartuujummata ikiaroorartuq kikkunniluunnit atugaangaluarpat iliuuseqartoqassanngitsoq?

(Inatsisartunut ilaasortaq Doris Jakobsen, Siumut)

§36 imm. 1 tunngavigalugu qinikkat Naalakkersuisunilu ilaasortat tamarmiusut ikiaroorartumik atuisuunnginnerat qulakkeerniarlugu Naalakkersuisut iliuuseqalersaarnersut pillugit Naalakkersuisunut apeqquteqaateqarama, Naalakkersuisut siulittaasuata allakkatigut akissuteqaatai uissuumminartutut nalilerpakka.

Naalakkersuisut siulittaasuata allakkatigut akissuteqaataani annertuumik sammineqartoq tassaavoq Naalakkersuisut Inatsisartullu pissaanerisa qanoq agguataarsimanerat, Siumumit oqaatigiinnassarput, inatsisiliortuulluni pissaanerup agguataarsimanagera qanoq ittuusoq ilisimalluinnaratsigu, taamaammalliuna apeqquteqaaterput taamatut ingerlakkippat.

Naalakkersuisut siulittaasuata allakkamini erseqqissaatigaa, Naalakkersuisuni ilaasortat aammalu allat qinikkat ikiaroorartumik atuisuunnginnerat qulakkeerniarlugu Naalakkersuisut Inatsisartulluunniit suliaqarsinnaanngitsut aammalu Naalakkersuisut immikkut ittunik iliuutsinik aallartitsinissamut pissutissaqartitsinngitsut. Naggataatigut oqaatigalugu taamatut Siumumiik apeqquteqaateqarsimanerput Siumup inatsisitigut misigissusaanut naapertuutinngitsoq.

Taamatut Naalakkersuisut siulittaasuata akissuteqaaternera tupaallannarpoq uissuumminarlunilu!

Inatsisartut uagut inatsisiliortuuvugut, uagullu tassaasussaangaluarpuq inatsisinik eqquutsitsisut nakkutiginnittullu soorlu aamma Naalakkersuisut inatsisinik nakkutiginnittussaangaluartut.



SIUMUT INATSISARTUNI ILAASORTAAQ / LANDSTINGSMEDLEM

Naalakkersuisut siulittaasuata allakkatigut akissuteqaatai atuarlugit allatut paasisassaangillat, kikkulluunniit ikiaroor-nartumik atuinerat akuerineqartoq, soorluluunniit oqarniartoq ikiaroor-niaritsi uagut soqutiginnilarput!

Siumumi isumaqarpugut, Inatsisartut Naalakkersuisullu tassaasussaasut inuiaqatigiinni ikiaroor-nartup atugaanerata akiorniarnerani salleryaallutik aqutissiusussat.

Taamatut oqaaseqarluta akissuteqaqqinnissarsi qilanaaraara.